



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ
ՔԱՂԱՔԱՅԻԱԿԱՆ ԴԱՏԱՐԱՆԻ
Ո Ր Ո Շ Ե Ց Ի

Հայցադիմումը վարույթ ընդունելու մասին

10.01.2024թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ա.Գաբրիելյան, քննության առնելով «Հրաշք այգի» ՍՊԸ-ի ի դեմս ներկայացուցիչ Միքայել Յուրիի Ավետիսյանի ներկայացրած հայցադիմումն ընդդեմ Քաջարանի համայնքապետարանի՝ ՔՀ-ԷԱՃԱՊՁԲ-23/09 ծածկագրով էլեկտրոնային աճուրդի ձևով գնման ընթացակարգի Գնահատող հանձնաժողովի 1 և 6 չափաբաժինների մասով «Հրաշք այգի» ՍՊԸ-ին չընտրված մասնակից հայտարարելու /մերժման/ որոշումն անվավեր ճանաչելու պահանջի մասին, վարույթ ընդունելու հարցը,

Պ Ա Ր Չ Ե Ց Ի

«Հրաշք այգի» ՍՊԸ-ն ի դեմս ներկայացուցիչ Միքայել Յուրիի Ավետիսյանի, 05.01.2024թ.-ին հայցադիմում է ներկայացրել Երևան քաղաքի առաջին ատյանի ընդհանուր իրավասության քաղաքացիական դատարան ընդդեմ Քաջարանի համայնքապետարանի՝ ՔՀ-ԷԱՃԱՊՁԲ-23/09 ծածկագրով էլեկտրոնային աճուրդի ձևով գնման ընթացակարգի Գնահատող հանձնաժողովի 1 և 6 չափաբաժինների մասով «Հրաշք այգի» ՍՊԸ-ին չընտրված մասնակից հայտարարելու /մերժման/ որոշումն անվավեր ճանաչելու պահանջի մասին:

Գտնում եմ, որ հայցադիմումը համապատասխանում է ՀՀ քաղաքացիական դատավարության օրենսգրքի 121-րդ, 122-րդ, 234.5.-րդ հոդվածների պահանջներին, հետևաբար այն պետք է ընդունել վարույթ:

Միևնույն ժամանակ դատարանը գտնում է, որ գործը պետք է քննել գրավոր ընթացակարգով և դատական ակտը հրապարակել հայցադիմումը վարույթ ընդունելուց հետո՝ երեսուն օրվա ընթացքում:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 125-րդ, 199-րդ, 200-րդ, 234.5.-րդ, 234.6.-րդ և 234.9. հոդվածներով՝

Ո Ր Ո Շ Ե Ց Ի

«Հրաշք այգի» ՍՊԸ-ի ի դեմս ներկայացուցիչ Միքայել Յուրիի Ավետիսյանի ներկայացրած հայցադիմումն ընդդեմ Քաջարանի համայնքապետարանի՝ ՔՀ-ԷԱՃԱՊՁԲ-23/09 ծածկագրով էլեկտրոնային աճուրդի ձևով գնման ընթացակարգի Գնահատող հանձնաժողովի 1 և 6 չափաբաժինների մասով «Հրաշք այգի» ՍՊԸ-ին չընտրված մասնակից հայտարարելու /մերժման/ որոշումն անվավեր ճանաչելու պահանջի մասին, ընդունել վարույթ և գործը քննել գրավոր ընթացակարգով:

Գործի քննության արդյունքով կայացվող եզրափակիչ դատական ակտը հրապարակել 2024թ. փետրվարի 21-ին, Երևան քաղաքի առաջին ատյանի ընդհանուր իրավասության քաղաքացիական դատարանում՝ այն դատական տեղեկատվական համակարգում տեղադրելու միջոցով:

Սույն որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ

Ս



ԱՎԱԳ ԳԱՔՐԻԵԼՅԱՆ